

დადგენილება № ცვ-0816-21
გაფრთხილების სახით ადმინისტრაციული სახდელის
დადების შესახებ

ქ. ქუთაისი,

15 აპრილი, 2021 წ.

1. დადგენილების გამომტანი ორგანო (თანამდებობის პირი):

ს.ს. „ენერგო-პრო ჯორჯიას“ დასავლეთ საქართველოს ცენტრალური ფილიალის იურისტი ტარიელ შვანგირაძე.

2. საქმის განხილვის თარიღი: 2021 წლის 15 აპრილი.

3. ცნობები პირის შესახებ, რომლის მიმართ განიხილება საქმე:

ფიზიკური პირი მაგული აბულაძე, პირადი № 01024031033, დაბ. 1939 წლის 26 აგვისტოს, მის. ქ. თბილისი, ბახტრიონის ქ. № 28, ბინა № 11, ფაქტ. მის. თერჯოლის მუნიციპალიტეტი, სოფელი ჩხარი.

4. საქმის განხილვისას დადგინდა შემდეგი გარემოებები:

2021 წლის 8 აპრილს, თერჯოლის მუნიციპალიტეტის სოფელ ჩხარში, აბონენტ მაგული აბულაძის აღრიცხვის კვანძის შემოწმებისას დაფიქსირდა ელექტროენერგიის უკანონო მოხმარება. კერძოდ, აბონენტს მრიცხველის კარადაში არსებულ ავტომატამომრთველზე მრიცხველის გვერდის ავლით დაერთებული ჰქონდა 2X6 კვ.მმ კვეთის ალუმინის არალეგალური სადენი, რომელიც შედიოდა მის საცხოვრებელ სახლში. შემოწმების დროს მრიცხველი მოხმარებულ ელექტროენერგიას არ აღრიცხავდა და დატაცებული ელექტროენერგიის რაოდენობა შეადგენდა 10,7 ამპერ დენს, რაც ადმინისტრაციული კანონმდებლობით დასჯადი ქმედებაა. აბონენტს იმავე დღეს შეუწყდა ელექტროენერგიის მიწოდება ადმინისტრაციული საქმის განხილვამდე. მაგული აბულაძის მიმართ 08.04.2021წ. შედგენილ ადმინისტრაციული სამართალდარღვევის ას №002682 ოქმს ხელს აწერს სამართალდამრღვევი და განმარტავს, რომ აღნიშნული ფაქტი განხორციელებულია მის მიერ, რომლის არსი არ იცოდა. ამჟამად გაერკვა და იგი მომავალში აღარ განმეორდება. საქმის განხილვაზე სამართალდამრღვევი არ გამოცხადდა. მაგული აბულაძე არ არის ადმინისტრაციულად სახდელდადებული, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ მოწოდებული ინფორმაციით. საქმეში ასევე წარმოდგენილია 08.04.2021წ. აღრიცხვის კვანძის შემოწმება-მიღების აქტი № A769501, რომლითაც დასტურდება მაგული აბულაძის მიერ ელექტროენერგიის დატაცება. საქართველოს ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციულ სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი, აღრიცხვის კვანძის შემოწმება-მიღების აქტი, შსს საინფორმაციო-

სს „ენერგო-პრო ჯორჯია“

ანალიტიკური დეპარტამენტის საინფორმაციო ცენტრის მიერ მოწოდებული ინფორმაცია, აბონენტის ბარათი, სამართალდარღვევის ფაქტის ამსახველი ფოტოსურათი), რომელთა მეშვეობით დასტურდება მაგული აბულაძის მიერ საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით გათვალისწინებული სამართალდარღვევის ჩადენის ფაქტი-ელექტროენერჯის დატაცება. ამასთან დაცულია იმავე კოდექსის 38-ე მუხლის პირველი ნაწილით დადგენილი ადმინისტრაციული სახდელის დადების ორთვიანი ვადა და 240-ე მუხლის პირველი ნაწილით დადგენილი ადმინისტრაციული სამართალდარღვევის ოქმის შედგენის წესი, რომლის დროსაც მაგული აბულაძემ მისცა ახსნა-განმარტება, გაეცნო ოქმის შინაარსს და ჩაიბარა მისი ასლი.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით, მე-10, 38-ე, 228²-ე, 236-ე მუხლებით, სემეკის 18.09.2008 წ. №20 დადგენილების მე-8 მუხლით, 12.08.2010 წ. №14 დადგენილებით, ს.ს „ენერგო-პრო ჯორჯიას“ გენერალური დირექტორის 17.09.2010 წ. RU №2010009 წესით, 17.12.2020 წ. OR №2020042 ბრძანებით,

და ვ ა დ გ ი ნ ე:

6. ფიზიკური პირი მაგული აბულაძე, პირადი № 01024031033, ცნობილი იქნეს ადმინისტრაციულ სამართალდარღვევად საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი - გაფრთხილება.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას - 15000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: _____

9. დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 (ათი) დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის. ქ. თბილისი, ა. მიცკევიჩის ქ. №19).

უფლებამოსილი პირის ხელმოწერა:



ტარიელ შვანგირაძე,
კომისიის თავმჯდომარე